

LE CHAPITRE DV TIMIDE,
contenant vingt versets,
escriit à la Meque.

*Les Arabes ont intitulé ce Chapitre du Timide; lors que l'Ange Gabriel apport a ce Chapitre à Mahomet, il eut peur de l'éclat de sa lumie-
 ne, & se couvrit de ses vestemens: ce qui donna occasion à l'Ange de l'appeller, & de dire, O Timide, & ne dit pas, O Prophete, selon sa coustume.*

*Voy Ge-
 ladin.*

AV nom de Dieu clement & misericordieux.
 O Timide, leue-toy la nuit, prie Dieu à la mi-
 nuit, iusques aux deux tiers de la nuit & d'auantage.
 Lis l'Alcoran & le medité, obserue ce qu'il contient
 encore qu'il te soit ennuyeux; Tu le comprendras
 mieux apres ton premier sommeil, parce que tu as le
 iour des affaires qui te diuertissent. Souuiens-toy du
 nom de Dieu, quitte le monde pour l'adorer, il est
 Seigneur du Ponant & du Levant, il n'y à point de
 Dieu que Dieu, prens-le pour ton protecteur: ne
 t'impatiéte pas de ce que disent les impies, separe-toy
 de leur cõpagnie sans crainte, Laisse-lez moy châtier
 y a-t'il quelqu'vn qui les puisse deffendre? Leur puni-

tion est differée, mais i'ay des chaines, du feu, du pain plein d'espine, & de grands tourmens pour les chariers au iour que la terre treblera & que les montagnes fondront en poussiere. O peuple, nous vous auôs enuoyé vn Prophete nôtre Apostre, pour vous instruire côme nous auons fait à Pharaon, il a esté desobeissant & opiniastre, & nous l'auons rudement chastié. Comme vous sauurez-vous des tourmens de l'Enfer si vous estes au nombre des impies? Que ferez-vous au iour que les enfans seront hommes, & que le Ciel s'ouutira? Ce que Dieu promet est infailible; Ces choses sont pour instruire ceux qui desirent suivre le chemin de salut, Ton Seigneur sçait que tu te leueras environ au tiers de la nuit, ou à la minuit, comme aussi vne partie de ceux qui sont avec toy, il compte les heures & les minutes de la nuit & du iour, il sçait que tu ne les peut pas compter exactement, il te pardonne si tu te leue vn peu plustost ou vn peu plus tard, lisez durant ce temps ce que vous pourrez lire de l'Alcoran; Dieu sçait qu'il y aura des personnes entre vous qui seront malades; d'autres qui seront en voyage pour leurs affaires, & d'autres qui combarront pour la foy; Ces personnes seront excusées, lisez ce que vous pourrez de l'Alcoran, esleuez vos prieres à Dieu, payez les decimes, préstez à Dieu quelque bienfait, vous trouuerez vn iour le bien que vous aurez fait & vne tres-grande recompense; Demandez pardon à Dieu, il est clement & misericordieux.